



**RATICA I  
KOMESAR**

★ **Brisani prostor** ★

**Najveći uspjeh ovog albuma je ovaj bend.**

**Bend Opatica i komesar, po redosljedu zavjetovanja:**

**Lejla Tahirović – glas, tekstovi**

**Mladen Tvrtković – gitara, aranžmani**

**Damir Dajanović - bas**

**Edvin Buturović – bubnjevi**

**Rizvan Mehmedbašić – gitara**

**G(h)ost na albumu: Omer Blentić - klavijature**

**Album je sniman u studiju Space Echo Sarajevo, u ljeto 2025.**

**Snimatelj zvuka i lovca na oblike: Kemal Sulejmanović**

**Mix i mastering: Nino Škiljić**


**Grafički dizajn: Dragomir Kržić**

**Hvala onima koji su držali prostor i doprinijeli pjesmama kroz njihove mnogostruke odraze: Mirzi, Beri, Nezi, Enisi, Esmi, Hari, Alenu, Gaši, Rafi, Faruku, Ivoni, Begi, Admiru, Ivanu i Neši. Ne možemo izostaviti ni one koje smo zaboravili.**


**Hvala našim porodicama, bez kojih bi ovaj album bio mnogo kvalitetniji, i napravljen mnogo ranije.**

**Hvala tebi na drugoj strani.**





3



# Sama


Sama sebi pišem dramu, neće biti iznenađenje  
Sama sebi kopam jamu, znam ja sve dubine njene  
Sama sebi vežem omču, znat ću sutra zašto visim  
Pravim stazu dakle njom ću, k'o što ti još nikad nisi

Ima ih mnogo u ovom hramu  
Tu su da služe svemu što zove  
I kad me rulja ostavi samu  
Ja ću tu stajati i čekati nove  
Jesi li ikad imao želju  
Koju si pratio do kraja svijeta  
Moja želja ima me cijelu  
Samo njoj klanjam se – ona je sveta

Sama sebi trujem vodu, moje ruke nisu bijele  
Svojoj sudbi sam u rodu, nismo slučajno se srele  
Sama sebi palim kuću, zato spavam tu na žaru  
I kroz vrata pakla uć' ću jer u mome su ormaru

Ima ih mnogo u ovom hramu  
Tu su da služe svemu što zove  
I kad me rulja ostavi samu  
Ja ću tu stajati i čekati nove  
Jesi li ikad imao želju  
Koju si pratio na svoju štetu  
Moja želja ima me cijelu  
Zato pokloni se – našao si svetu

Ima ih mnogo u ovom hramu  
Tu su da služe svemu što zove  
I kad me rulja ostavi samu  
Ja ću tu stajati i čekati nove  
Jesi li ikad imao želju  
Koju si pratio do kraja svijeta  
Moja želja ima me cijelu  
Zato pokloni se – jer ja sam sveta



6

# Beštija

Ljubav je zla i podmukla, moju je kožu obukla  
I sad isprobava dozu koja mi obara pozu

Ljubav je gadna beštija, u moj se krevet smjestila  
Mojih se stvari riješila, đavolu se nasmiješila


Ali kad me digne, ali kad me nosi  
Beštija me vrti oko svoje osi  
Samo ona može da mi uvijek proda isti trik  
Samo ona može da mi da taj kick

Ljubav je neman neznana, svojim me repom vezala  
Savija se kao zmija, ništa mi drugo ne prija

Ljubav je maca gramziva, prvo se malo mazila  
Onda je kandže zarila, sve drugo mi pokvarila

Ali kad me uzme, ali kad to počne  
Pustim da me nosi, nosi gdje god hoće  
Samo ona ima loš plan koji pali svaki put  
Samo ona može da mi da taj šut

7



8

# Pauza

Sjedimo za stolom gdje nam sunce teče  
Po ramenu golom, a nikad ne opeče  
Sjedimo za stolom gdje oštrica sreće  
Dohvati nas bolom, a nikad ne posiječe

A večeras kad svi mjesta zauzmu  
Pritisni pauzu  
Prođi kroz tišinu, prevari mašinu  
Budi sa mnom jedan tren van vremena  
Da ništa se ne mijenja  
Nestani u dimu, prevari mašinu

Sjedimo za stolom tu gdje neko reče  
Da će biti prolom, ali nikad neće  
Sjedimo za stolom, sporo gore svijetle  
Zaljepljeni smolom niko ustati' neće

A večeras kad svi mjesta zauzmu  
Pritisni pauzu  
Prođi kroz tišinu, prevari mašinu  
Budi sa mnom jedan tren van vremena  
Da ništa se ne mijenja  
Nestani u dimu, prevari mašinu

A večeras kad svi mjesta zauzmu  
Pritisni pauzu  
Prođi kroz tišinu, prevari mašinu  
Budi sa mnom jedan tren van vremena  
Dok niko nas ne gleda  
Uhvati krivinu, prevari mašinu

Posjedili, osijedili (prevari mašinu)  
Posjedili, osijedili (prevari mašinu)  
Posjedili, osijedili (uhvati krivinu, prevari  
mašinu)

9



**10**

# Ja sam tu

Ne budi se sada dok me sanjaš  
Usudi se na moja putovanja  
Ja sam tu da ti noćas kažem  
Istinu, onu što svi traže

Prati me gdje raste čudno bilje  
Vrati se gdje sve je bilo divlje  
Ja sam tu i nosim ti ko cvijeće  
Istinu koje sjećati se nećeš

Bestjelesna kao pjesma od tvoje radosti i bijesa  
I od tvojih mračnih željica ja sam dobra prijateljica  
Ić' ćemo na tajna mjesta, tvoje ruke znaju gdje sam  
Hajde ime mi pogodi i kreni kuda mrak te vodi

Ono što najviše ti znači  
Ne možeš izgubiti ni naći  
Već sam tu, slobodno se krećem  
Po tvom snu, mada sjećati se nećeš

Prati me u opasne dubine  
Vrati se gdje ništa nema ime  
Ja sam tu, hoću da me hraniš  
Onim što oduvijek mi braniš

Bestjelesna kao pjesma od tvoje radosti i bijesa  
I od tvojih mračnih željica ja sam dobra prijateljica  
Rasipaj me kao pijesak, tvoje ruke znaju gdje sam  
Hajde ime mi pogodi i kreni kuda mrak te vodi

Bestjelesna kao pjesma od tvoje radosti i bijesa  
I od tvojih mračnih željica najbolja sam prijateljica  
Nosit će nas divlja cesta, tvoje ruke znaju gdje sam  
Hajde ime mi pogodi i kreni kuda mrak te vodi





**12**

# Infrared

Gledaš me kao da snimaš me, imaš me  
Gledaš li poslije te snimke?  
Glumim hladnoću, al' u stvari primam se  
Vidiš ti ispod te šminke

Gledaš me kao da previše želiš me  
Ništa ne izmiče pažnji  
Postavljaš zamke, na komade dijeliš me  
Nadeš li ono što tražiš?  
(pokaži)

Dugo čekam i mislim proč' će  
Ali to je najslade voće  
Znaju sve minute noćne  
Da niko ne može

Gledaš me kao da sumiraš, zumiraš  
Kamerom zjenica vlažnih  
Takvim mi pogledom statiste ubijaš  
Znaš ti da nisu mi važni

Gledaš me kao da kapiraš, hakiraš  
Sisteme čudne i moćne  
U dva-tri ta pogleda možeš da matiraš  
Čim ova partija počne  
(šta hoćeš?)

Dugo čekam i mislim proč' će  
Ali to je najslade voće  
Znaju sve minute noćne  
Da niko ne može htjeti šta hoće

Gledaš me kao kroz kameru, šarmeru  
Gledaš li poslije te snimke?  
Znam imaš želju, al' nemaš namjeru  
Preći te zadnje stotinke

Gledaš me kao i ranije, tamnije  
Nego što iko bi smio  
Znam tvoju želju, u prolazu daj mi je  
To mi je najdraži dio  
moj bio

Dugo čekam i mislim proč' će  
Ali to je najslade voće  
Znaju sve minute noćne

Dugo čekam i mislim proč' će  
Ali to je najslade voće  
Znaju sve minute noćne  
Da niko ne može

13



14

# Isti

Otkud u mom snu ti, ničim prizvan  
Zbog tebe zemlju da izdam  
I sve što nikada nikome nisam  
Da ti priznam

U mom snu nismo bili baš fini  
Ja sam u tvojoj suštini  
Da saznam ko si i šta te čini  
Izvini

U snu ne gledam ponor  
Kažem šta mislim  
U snu izbrišem prostor  
I budemo isti

Sanjala sam te, bili smo sami  
Ne samo goli u tami  
Nego bez svega što nam to kvari  
Ustvvari


Sanjala sam te, bili smo prosti  
Ne samo goli i bos  
Pila sam ti krv i poejala kosti  
Oprosti

U snu dajem sto posto  
Jer tamo smo čisti  
Na dnu proći ću kroz to  
Al' prvo kroz viski

Padam za ništa između tebe i mene  
Sada sam ista kao i sve druge žene  
O kako užasn san

U snu ne gledam ponor  
Radim šta mislim  
Na dnu je brisani prostor  
I bit ćemo isti

# 15



**16**

# More

More, imaš boju trenu  
Približim se, boje nema  
Volim ta raspoloženja  
Kako ti se lice mijenja

More, ruke svoje daj mi  
Baci me u ponor sjajni  
Prste sanjam ti u kosi  
Nek' me tvoja struja nosi

Dalje nego što sam bila  
Sve do zemlje krokodila  
Dalje nego što me vide,  
Dublje nego svjetlo ide


Vodi me vodi, vrati me vatri  
Ti si pjesma o slobodi i želim te znati  
Stijene obori, nebo otvori  
More more, ti si ljubav i želim te znati

Uzmi zablude i znanja  
Uzmi sve što želim, sanjam  
Sve što nosim s mene skini  
Čuvaj me na površini

Uzmi moje stare čežnje  
Sve što hoće sila teže  
Hajde uzmi sve što imam  
Predajem se talasima

Vodi me vodi, vrati me vatri  
Ti si pjesma o slobodi i želim te znati  
Stijene obori, nebo otvori  
More more, ti si ljubav i sebi me vrati

Vodi me vodi, vodi me vodi  
Voli me voli, voli me voli



**18**

# Kuća od noći

Crna kao katran, crna kao gavran  
Ova crna vatra pravi svoju ravan  
Tu može rasti, ostati cijela  
Tu može pasti ako budem htjela

Crna je plima iza moga oka  
Hoću da plivam gdje je duboka  
Tamo gdje grabi od zemlje i od neba  
Na crno gradi ono što joj treba

Kuću od noći  
Na vinilskoj ploči  
Kuću od mraka  
Na zrnu maka  
Kuću od riječi  
U koje ću leći  
Kuću od tajni  
Na drugoj strani

Crna je ravan mjesto za čuda  
Samo dok spavam ja sam tamo budna  
Tu sebe stvaram od crnih ruda  
Samo dok boli znam da trebam tuda

Hodam tom stranom, divnom i tamnom  
Taknem te dlanom i tamo si sa mnom  
Rukama golim crnim od ruda  
Tamo te volim - ah, crna je ljubav

Kuću od noći  
Na vinilskoj ploči  
Kuću od mraka  
Na zrnu maka  
Kuću za ljubav  
Za skok preko ruba  
Dat ću ti, daj mi  
Na crnoj strani

Kuću od noći  
Na vinilskoj ploči  
Kuću od mraka  
Na zrnu maka  
Kuću od riječi  
Gdje možemo leći  
Dat ću ti, daj mi  
Na drugoj strani

19



[www.opaticakomesar.com](http://www.opaticakomesar.com)

★ Bespitan streaming albuma ★